

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N 01-02/27

ქ. ბათუმი

01 მარტი, 2019 წ

2019-2020 სასწავლო წლისათვის ევროკომისიის მიერ დაფინანსებული „ერაზმუს+“
გაცვლითი პროგრამის ფარგლებში, ვალენსიის ტექნოლოგიურ უნივერსიტეტის
საგანმანათლებლო პროგრამებზე მონაწილე ბსუ-ს სტუდენტთა დამატებითი
შესარჩევი კონკურსის ჩატარების წესისა და საკონკურსო კომისიის დამტკიცების
შესახებ


„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13
მუხლის, „2018-2019 სასწავლო წლის გაზაფხულის სემესტრისათვის ევროკომისიის მიერ
დაფინანსებული „ერაზმუს +“ გაცვლით პროგრამაში მონაწილე ბსუ-ს სტუდენტთა შესარჩევი
კონკურსის ჩატარების წესისა და საკონკურსო კომისიის დამტკიცების შესახებ“ ბსუ-ს
რექტორის 2018 წლის 11 ოქტომბრის 01-08/130 ბრძანებისა და ბსუ-ს უნივერსიტეტის
სტრატეგიული განვითარებისა და საგარეო ურთიერთობათა დეპარტამენტის უფროსის
მოადგილის ნანა ყურშუბაძის 2019 წლის 27 თებერვლის MES 8 19 00242056 მოხსენებითი
ბარათის საფუძველზე

ვბრძანებ:

1. გამოცხადდეს დამატებითი კონკურსი 2019-2020 სასწავლო წლისათვის ევროკომისიის მიერ
დაფინანსებული „ერაზმუს+“ გაცვლითი პროგრამის ფარგლებში, ვალენსიის ტექნოლოგიურ
უნივერსიტეტის საგანმანათლებლო პროგრამებზე (ინფორმაცია განთავსებულია ბსუ-ს
ვებგვერდზე, ბსუ-ს სტრატეგიული განვითარებისა და საგარეო ურთიერთობათა
დეპარტამენტის ვებზე) სტუდენტთა მობილობის განხორციელების მიზნით ბსუ-ს
საგანმანათლებლო პროგრამების სტუდენტთა შერჩევის მიზნით და განისაზღვროს შემდეგი
საკონკურსო ვადები:
 - ა) კონკურსში მონაწილეობის მსურველთა საკონკურსო დოკუმენტაციის მიღება
ელექტრონულ ბმულზე (<http://registration.bsu.ge/Results-1.php> და მატერიალური სახით ბსუ-ს
კანცელარიის მეშვეობით - 2019 წლის 01 მარტიდან 13 მარტის ჩათვლით (10:00 სთ-დან
18:00 საათამდე, შაბათ-კვირის გარდა).
 - ბ) საკონკურსო დოკუმენტაციის შემოწმება და შეფასება - 2019 წლის 14 მარტი -
სტრატეგიული განვითარებისა და საგარეო ურთიერთობათა დეპარტამენტის (საკონკურსო
კომისიის) მიერ.
 - გ) გამოცდა ინგლისურ ენაში (ტესტირება: B1 დონის განმსაზღვრელი - ბაკალავრიატის
საგანმანათლებლო პროგრამის სტუდენტებისათვის) - 2019 წლის 15 მარტი;
 - დ) გასაუბრება კონკურსანტებთან - 2019 წლის 18 მარტი.გასაუბრება ჩატარდება საკონკურსო კომისიასთან (მისამართი: ქ. ბათუმი, ნინოშვილის
ქ. №35, ბსუ-ს პირველი კორპუსი, ოთახი №35). გასაუბრების ზუსტი დრო დამატებით
ეცნობებათ სტუდენტებს ბსუ-ს ვებგვერდის ან/და მათ მიერ საკონკურსო განაცხადში
მითითებულ ტელეფონებზე/ელექტრონულ ფოსტაზე.

2. დამტკიცდეს 2019-2020 სასწავლო წლისათვის ევროკომისიის მიერ დაფინანსებული ერასმუს+ გაცვლითი პროგრამაში მონაწილე ბსუ-ს სტუდენტთა შესარჩევი კონკურსის ჩატარების თანდართული წესი (დანართი 1).
3. დამტკიცდეს საკონკურსო კომისიის ძირითადი შემადგენლობა:
 - ა) თამარ სირაძე - რექტორის მოადგილე (თავმჯდომარე);
 - ბ) გიორგი თავამაიშვილი - სტრატეგიული განვითარებისა და საგარეო ურთიერთობათა დეპარტამენტის უფროსი (თავმჯდომარის მოადგილე);
 - გ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე;
 - დ) ანზორ ბერიძე - ხარისხის უზრუნველყოფის სამსახურის უფროსი;
 - ე) გაიოზ ფარცხალაძე-ტექნოლოგიური ფაკულტეტის დეკანი.
 - ვ) ქეთევან დევამე - ფსიქოლოგი (კომისიის მდივანი).
4. საკონკურსო კომისიის სხდომის ოქმის საფუძველზე კომისიამ დაადგინოს გასაუბრების განრიგი და მიიღოს კონკურსის საორგანიზაციო საკითხთან დაკავშირებული სხვა გადაწყვეტილებები, რასაც არ ითვალისწინებს წინამდებარე ბრძანება, მაგრამ გამომდინარეობს საგრანტო პროექტის მოთხოვნებიდან.
5. უცხო ენაში გამოცდების ჩატარება, ასევე გამოცდის ჩატარების დროისა და ადგილის შესახებ ინფორმაციის საჯაროობა, უზრუნველყონ ენებისა და საინფორმაციო ტექნოლოგიების ცენტრმა და სტრატეგიული განვითარებისა და საგარეო ურთიერთობათა დეპარტამენტმა ერთობლივად, მათი კომპეტენციების შესაბამისად.
6. წინამდებარე ბრძანების აღსრულებაზე კონტროლი განახორციელოს რექტორის მოადგილემ, პროფესორმა თამარ სირაძემ.
7. ბრძანება სახელმძღვანელოდ და აღსასრულებლად დაეგზავნოს ბსუ-ს შესაბამის სტრუქტურულ ერთეულებს და პერსონალს.
8. ბრძანების ბსუ-ს ოფიციალურ ვებგვერდსა (კონკურსების ველში) და საინფორმაციო დაფებზე (კანცელარიასთან და ფაკულტეტებზე) განთავსება უზრუნველყოს საინფორმაციო ტექნოლოგიების სამსახურმა და კანცელარიამ, მათი კომპეტენციების შესაბამისად.
19. ბრძანება ძალაშია ხელმოწერისთანავე.

რექტორი, ასოცირებული პროფესორი

 მ. ხალვაში

2019-2020 სასწავლო წლისათვის ევროკომისიის მიერ დაფინანსებული „ერაზმუს+“ გაცვლითი პროგრამის ფარგლებში, ვალენსიის ტექნოლოგიურ უნივერსიტეტის საგანმანათლებლო პროგრამებზე მონაწილე ბსუ-ს სტუდენტთა დამატებითი შესარჩევი კონკურსის ჩატარების წესის

- წინამდებარე წესი არეგულირებს 2019-2020 სასწავლო წლისათვის ევროკომისიის მიერ დაფინანსებული ერასმუს+ გაცვლითი პროგრამის ფარგლებში, ვალენსიის ტექნოლოგიურ უნივერსიტეტის საგანმანათლებლო პროგრამებზე ბსუ-ს საგანმანათლებლო პროგრამის სტუდენტთა (შემდეგში „კანდიდატი“) დამატებითი შესარჩევი კონკურსის ჩატარების პროცედურებს.
- კონკურსი მოიცავს 3 ეტაპს (საერთო შეფასება - 100 ქულა), მათ შორის: 40 ქულა - უცხო ენის გამოცდა; 40 ქულა - კანდიდატების მიერ წარმოდგენილი დოკუმენტების შეფასება; 20 ქულა - გასაუბრება.

I ეტაპი: კანდიდატების მიერ წარმოდგენილი დოკუმენტების შეფასება (მაქსიმალური შეფასება - 40 ქულა)

შეფასების კომპონენტები	კომპონენტის მაქსიმალური ქულა	კანდიდატის შეფასების ქულა კომპონენტში
აკადემიური მოსწრება	30 (=აკადემიური მოსწრების 100 ქულას)	
სამოტივაციო წერილი	5 (0-5)	
CV	5 (0-5)	

II ეტაპი: ინგლისური ენის 100 ქულიანი ტესტი = საკონკურსო ქულის მაქსიმალურ შეფასება 40 ქულა. უცხო ენის ტესტის ბარიერია არანაკლებ 71 ქულა.

III ეტაპი: გასაუბრება (მაქსიმალური 20 ქულა)

შეფასების კომპონენტი	კომპონენტის მაქსიმალური ქულა	კანდიდატის შეფასების ქულა კომპონენტში
დარგობრივი და კომუნიკაციის უნარ-ჩვევები; პრეზენტაბელურობა; ემოციური და ფსიქოლოგიური მზაობა	20	

3. პრიორიტეტები მიენიჭება კანდიდატს, რომელსაც:

- ა) არ უსარგებლია ევროკავშირის გაცვლითი პროგრამით;
- ბ) აქვს სოციალურ-ეკონომიური, ჯანმრთელობის პრობლემები (დასტურდება შესაბამისი დოკუმენტაციით/ცნობით).

4. კანდიდატის დოკუმენტაცია არ განიხილება შემდეგ შემთხვევებში:

- ა) თუ არასრულად არის შევსებული აპლიკაცია (არ ერთვის CV ევროპასის ფორმატით, სამოტივაციო წერილი, აკადემიური მოსწრების დამადასტურებელი ცნობა ან სხვა საჭირო დოკუმენტაცია);
 - ბ) თუ არ აქვს წარმოდგენილი სასწავლო პროგრამით გათვალისწინებული საგნების თანხვედრა მშობლიურ და მიმღებ უნივერსიტეტებში (სასწავლო ხელშეკრულება/ხელშეკრულებები);
 - გ) თუ კანდიდატს შეჩერებული აქვს ბსუ-ს სტუდენტის სტატუსი;
 - დ) თუ კანდიდატი ბაკალავრიატის პირველი ან ბოლო სასწავლო წლის სტუდენტი.
 - ე) თუ კანდიდატს მოპოვებული აქვს ერაზმუს მუნდუსის/ერაზმუს+-ის გრანტი ანალოგიურ საფეხურზე;
 - ვ) თუ კანდიდატს ბოლო 5 წლის განმავლობაში 12 თვეზე მეტი პერიოდი აქვს გატარებული ევროკავშირის ქვეყანაში;
5. კონკურსთან დაკავშირებული გადაწყვეტილებების (ტესტირების, საბუთების გადარჩევის, გასაუბრების განრიგის და გასაუბრების შედეგების) ბსუ-ს ვებ-გვერდზე გამოქვეყნებას უზრუნველყოფს ბსუ-ს სტრატეგიული განვითარებისა და საგარეო ურთიერთობათა დეპარტამენტი (შესაბამის ველებში: „კონკურსები“ და სტრატეგიული განვითარებისა და საგარეო ურთიერთობათა დეპარტამენტის სიახლეების ველში).
6. ბსუ-ს საკონკურსო კომისიის მუშაობის შედეგები გაიგზავნება მიმღებ უნივერსიტეტებში არაუგვიანეს 2019 წლის 20 მარტისა.
7. კონკურსის საბოლოო შედეგები გამოქვეყნდება ბსუ-ს ვებგვერდზე და სტრატეგიული განვითარებისა და საგარეო ურთიერთობათა დეპარტამენტთან არსებულ საინფორმაციო დაფაზე, ბსუ-ს საკონკურსო კომისიის საერთო შეფასებისა და მიმღები უმაღლესი საგანმანათლებლო დაწესებულების გადაწყვეტილების საფუძველზე.